



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **S. Francisci Xaverii E Societate Iesv Indiarvm Apostoli Novarvm Epistolarvm Libri Septem**

**Francisco <de Javier>**

**Romæ, 1667**

Epistola V. Doctori Martino Azpilcuetæ Navarro.

[urn:nbn:de:hbz:466:1-46129](https://nbn-resolving.org/urn:nbn:de:hbz:466:1-46129)

## EPISTOLA V.

DOCTORI MARTINO AZPILCVETÆ  
NAVARRO .*Multum Reverende Domine .*

**E**X quo in hâc Civitate sum binas à Te literas accepi *amoris & pietatis erga me plenas* . Christus Dominus Noster , cuius amore motus es ad mihi scribendum , æquam tantæ isti Caritati & benignæ in me voluntati mercedem reddat ; quando Ego , vel si cupiam , nequeo exolvere me hoc debito ; nec satis vicissim respondere eximie tuæ in me immerentem & inopem benevolentie . quare agnoscens & confitens debilitatem in hâc parte meam : ac *per Dei clementiam* cuius singulare donum est seipsum nosse , intelligens *quam inutilis ad omnia sim* post aliquem mei quoad possem explendi officij conatum , *studui spem omnem & fiduciam meam in Deo ponere* , videns me nemini posse æquam gratiam referre . & hoc me plurimum solatur , quòd potens est Deus sancte Anima tua & similibus retributionem amplissimam pro me dare .

## NOVARVM EPIST. Lib. I. 31

*dare . quod de meis rebus ; ac præsertim de  
 meæ vitæ instituto præ te fers velle cognosce-  
 re , gauderem equidem offerri nobis occa-  
 sionem mutui congressûs . Nemo enim me  
 paratior est ad omnia quæ in hoc genere  
 scire aves Tibi plenissimè communicanda .  
 Nec despero fore ut Deus mihi Dominus  
 noster , inter multas quibus me divina eius  
 Maiestas benignissimè cumulat quotidie gra-  
 tias , hanc quoque adiungat eximiam , vi-  
 dendi semel in hac vitâ & per otium allo-  
 quendi Te , priusquam cum meo Socio in In-  
 dias solvamus . Tunc sane licebit plenissi-  
 mam ex me coram audire rationem om-  
 nium eorum de quibus per tuas literas in-  
 terrogas . tam multa enim illa sunt , ut  
*scripto id fieri commodè nequeat . Ad id quod  
 Epistola tua adiungit : multa pro Hominum  
 consuetudine de nostro Instituto dici : hoc tan-  
 tum in præsens repono : parum refert , Do-  
 ctor egregie , ab Hominibus iudicari ; præser-  
 tim ab ijs qui prius iudicant , quam intelligent .  
 Qui has Tibi à me reddet Blasius Lopez in  
 clientelam atque in disciplinam transcribi  
 tuam peroptat . Hunc Ego amo plurimum  
 mei vicissim amantem ; & pro eâ necessitu-  
 dine Te rogo , ut si preces meæ apud te quid-  
 piam**

*piam possunt (possunt autem multum per Tuam  
 Humanitatem) excipias benignè, me traden-  
 te ac commendante, prolixum istud eiu-  
 erga Te studium, quod offert; maiorem in-  
 modum cupiens, & vt Patrono Tibi obse-  
 qui; & vt Magistro dare operam. Scribe  
 igitur illum, quæso Te, in numero tuorum;  
 in quo præterquam rem Deo Domino Nostro  
 vt spero, gratam, & haud dubiè Te dignam  
 feceris; etiam singularem à me gratiam ini-  
 bis. Obstringes, inquam, me Tibi magno &  
 peculiari beneficio, si curare bonum hunc  
 Iuvenem, & in studijs literarum dirigere ac  
 iuvare dignaberis, sic animo & studio para-  
 tum, ut adolescentiam suam meditationi do-  
 ctrinarum, quibus Tu excellis, certum ha-  
 beat impendere. Reputare Te convenit,  
 quantum Deo debeas, qui Te isto eximio Ta-  
 lento insignis eruditionis locupletavit; non  
 utique ad tuum unius fructum; sed ut multis  
 profis. Deus Dominus Noster nostræ pariter  
 amborum semper custodiæ invigilet. Amen.  
 Vlyssipone iv. Kal. Octobris Anno MDXL.*

*Tuus in Christo quoadusque vixerit,*

*Franciscus de Xavier . . .  
 EPI-*